


Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
983/A







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
983/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
983/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
983/A



G. V. Bor 983/A

Emptus veneris 29 Septembris  
1581

Dec pp 63.47  
in Julius Borgia

attipens le Cour



65.B.75

30031

# DE PESTE PER BREVIS TRACTATVS:

In quo Descriptio, Causse, Signa omnigena, curatio  
admodum lata, & integra ualentium præserva  
tio, accuratissime preponuntur.

*Autore PROSPERO BORGARUTIO,  
Medico, ac Philosopho celeberrimo.*

Cum Priuilegijs.



VENETIIS, Ex officina Marci de Maria  
Salernitani. MDLXV.

*pag 12/7/11*




DE PESTE  
PERBREVIS  
TRACTATUS

In qua descriptio est, et signa omnia, et  
symptomata, et in quibus locis, et  
temporibus, et personis, et

causis, et modis, et  
tractandi, et

Cum P. P. P.



VENETIIS, Ex officina Martini  
MDLXVI



3

*AMPLISSIMO*  
*Legum Doctori Bernar-*  
*dino Borgarutio:*

*AC PRAECLARISSIMO*  
Medico, & Philosopho Iulio Borgia-  
rutio, fratribus dilectissimis,  
& colendissimis,

*PROSPERVS BORGARVTIVS,*  
*Philosophus, ac Medicus.*  
S. P. D.



OSTEAQVAM ex lite  
ris uestris præteritis  
iam aliquot mensibus  
intellexissem ( fratres  
obseruandissimi ) in  
istis orbis terrarum  
partibus grauissimam, acerbissimamq;  
pestem uersari, præsertim in LONDINO  
totius Britanniae Ciuitate florentissi-  
ma,

A 2 ma,



4

ma, ubi tu Iuli frater tanta cum tui nominis existimatione, tantaque cum laude medicinam profiteris; continere me non potui, neque animo ante con-  
quiescere, quàm iterum de hoc morbo tam pestilenti audiuissem, esset ne planè extinctus, an adhuc sua contagione populos inficeret. Cumque interim mecum cogitarem quanto in periculo uterque uestrum esset, dum tu Iuli tantum temporis spatium nancisci non posses, ut sanitati, non dico cuiusque alterius, sed tuæ ipsius conseruandæ operam adhiberes; & tu Bernardine maiori incommodo premereris, quod Iurisconsultus sis, artemque nostram nescias (tametsi enim pestilentia malum grauissimum esset: tamē frater noster Iulius sua solita prudentia, accuratoque ordine medendi se ipsum ab ea potuisset melius, quàm tu te omni tua cura, & sollicitudine defendere): Id circo statui facere, quod uulgo nūc dici solet, ut una fidelia duos parietes dealbarem. hoc autem est, ut tam breuiter,

inter,  
efficere  
ratione  
te De  
tareti  
mecum  
ea, q  
stro  
gula  
num  
piet  
exci  
mon  
opu  
alio  
que  
pau  
na  
sur  
rat  
qui  
tur  
der  
the  
di



5  
uiter, quàm tennes ingenij mei uires  
efficere possent, aliquam describerem  
rationem, ac unam, qua faciliter, iuuan-  
te Deo, pestilentem hunc morbum eui-  
taretis. Quod eo lubentius feci, quo  
mecum pressius consideraui non solū  
ea, quæ tibi Bernardine pro amore no-  
stro fraterno debeo: sed etiam pro sin-  
gulari tua erga me beneuolentia, pro  
humanitate, pro consilijs, & monitis sa-  
pientibus, quibus me ad studia semper  
excitasti. Quæ certe res omnes me ad-  
monent in præsentī, non ut te hoc solū  
opusculo, idque etiam cōiunctim cum  
alio exornem; sed si quid sit maius, tui-  
que in me beneficijs dignius, id totum  
præstem. Verum de hoc aliās. Nunc  
has uigilias meas, quales illæ quidem  
sunt, tales uobis mitto; atque etiam  
rationem studiorum meorum, quæ hos  
quinque annos, tum consilio uestro,  
tum mea etiam uoluntate in arte me-  
dendi consumpsi. In quibus certè me-  
thodo, qua potui optima, describen-  
dis, uix tantum temporis adhibui, ut

A 3 mearum



meorum cogitationum primum fieret exemplar, quia subito à Vobis secundæ ad me literæ uenerint, quibus accipiebam pestem cessasse, omniaque in pristinam salutem esse restituta: Vos sanos, saluos, & ab omni infirmitate liberos esse; quæ quidem res quàm mihi fuerit grata, quàmque certum me uestræ ualeitudinis effecerit, Vos, quæso, iudicate. Profectò ego quantum quisque cogitare potest, animo conquieui, Deoque opt. Max. gratias egi, quod ad preces meas tam misericorditer uobis tale donum concessisset. Nihilominus tamen, ut ij facere solent, qui post magnam aliquam tempestatem subito non acquiescunt, seseque tranquillât; cum iam res omnis, ut uolebam, composita, perfectaue esset, nec in ea ego meo iudicio stare uellem, decreui hanc operam cum Medicis istius Academię peritissimis conferre, eosque obsecrare, ut de ea quid sentirent, libere pronunciarent: Vt ita demum scirem, esset ne hoc de peste non dico argumentum,



7  
tum, sed ipsa sola tractatio fatis conue-  
niens, quæ ad Vos mitteretur, in ea præ-  
fertim loca, in quibus magis, quàm ali-  
bi uspiam studia medicinæ florent: qui  
que ea sequuntur amplioribus honori-  
bus afficiuntur. dubitabam enim, & su-  
binde uerebar, ne hæc tota pestis cura-  
tio fatis à me esset imperfectè tractata.  
Quæ postquam ab istis perlecta erat,  
non eo certè animo ut sub nomine ue-  
stro in manus hominum publice ueni-  
ret: sed potius ut descripta priuatim  
mitteretur: (nam ego nihil aliud cogi-  
tabam, quàm breuem aliquam, ut dixi,  
rationem reddere studiorum meorū,  
tibi que Bernardine; quod Iulius pro-  
pter suas occupationes non potuit; ali-  
quem modum præscribere, quo te ab  
omni pestis infectione liberum, et sa-  
num conseruares); Vniuersi dixerunt,  
uerè magnum erga me debere fuisse  
semper amorem uestrum, de quorum  
ego periculis tã anxie cogitassẽm. hoc-  
que factum meum plus illi laudarunt,  
quàm me ipsum decet ad uos scribere.

A 4 Sed



Sed opusculum meum satis quidē perfectum esse, illudque in se pietatis exemplum habere, quod certē dignum sit non solum inter nos conuersari, uerū etiam per uniuersum orbem Christianum propagari; ita ut à quibus ego existimarem reprehensus esse, tanquam qui in opere errassem, fui quidem quodammodo reprehensus, sed quod hūc laborem suppressi, nec in uulgus exire noluerim. Coactus igitur sum eorum hominū auctoritate, quibus ego nihil negare uel possum, uel debeo, hanc breuem de peste tractationem chalcographis promittere, ut ea sub uestro nomine in manus hominum prodiret. Sic enim fore affirmabant hi, de quibus iā dixi, ut omnes homines clare intelligerent, uestram erga me beneuolentiam, meamque in uos pietatem, desideriumque aliquo modo gratificandi: sic meam promptam uoluntatem, nostramque fraternam vnionem. quæ quidem quā grata futura sit Carolo Borgarutio Patri nostro, homini iam  
seni,



seni, quantumque ei profecerit ad longiorem uitæ cursum peragendum : demum quantum allatura sit uoluptatis alteri nostro fratri Borgarutio à Borgarutijs; omnis, qui filios ipse, uel fratres habet, facile poterit iudicare. Quoniã ergo sic est uisum præceptoribus meis, ut hæc tractatio diuulgetur, uolo ut ea sub uestri nominis patrocinio exeat, non quasi illa uobis à me dedicetur, sed ut potius fratribus amãtissimis gratificer, eo modo, quo possim hoc tempore commodissime. Vestrum autem erit, non conuertere oculos ad huius operis exiguitatem ( quos ego fateor maiori remuneratione dignos esse ) sed à quo animo profectum id sit, hoc solum considerare. Valete. Patauij. Pridie Non. Decembres.  
M D LXIII.



*Ad lectorem.*

Peste malum nullū grauius . pestē odimus oēs .

Omen & in tristi nomine pestis inest .

Hāc fugere optamus si forte premamur ab ipsa,

Ne ue premat coelum uertimus, atque solū .

Scilicet id sapere est, ueniēti occurrere morbo:

Quæque futura forent, ante cauere malis.

Quod si oēs facimus, cupimusq; salute potiri,

Debeat & nummis carior esse salus ,

Aere quid exiguo cessas opus istud habere ,

Quo duce securus tempore pestis eris ?



11

# DE PESTE

## TRACTATUS,

Nunc primum in lucem editus ab  
Excell. Medico Prospero  
Borgarutio.



EST ILENTIA, seu  
pestis, quam Græci λοιμὸν di-  
cunt, aliud nihil iuxta Hip-  
pocratis sententiam uidetur  
esse libro de flatibus, & Ga-  
leni tertio de morbis uulga-  
ribus, nisi mala, uel potius  
pessima, & pernitiōsa admodum febris, uulga-  
ris, communisque, ab ipso aere ortum ducens,  
qui nos quidem undequaque circundat, tādē  
corrupto. Aer itaque nobis continuo contra-  
ctus spiritus nostros internos principio lædit:  
quibus successiue offensi occurrunt humores,  
cordiumque humiditas innata, & ita deinceps  
febris quædam accensa omnium quidem nocen-  
tissima consequitur; quam idcirco Princeps  
noster Auicenna in pri. quar. febrem mali mo-  
di appellauit, quod latenter ægrum percutiat,  
ipsumque necet. Quod præterea morbus iste  
pestilens;

Hippoc.

Galenus.

Auicen.



Hippoc.

pestilens; sit morbus quidam uniuersalis, uel communis, uidemus nos eum omnes communiter inuadere, & breui quidem tempore homines necare. quemadmodum istud idem declarare Hippocratis uerba eodem de Flatibus lib. ostendunt, quæ huiusmodi sunt nobis latine interpretata. Sunt febrium duo genera, ut hoc quoque nunc attingam, quorum alterum commune omnibus pestis appellatur. quibus deinde uerbis eodem lib. hæc alia præponēs subiungit. Communis febris propterea omnibus accidit, quod eundem spiritum omnes attrahunt, sitque ut simili corpori, similes spiritus similiter permixti, similes febres gignant. Sed est (inquit postea eodem libro) fortasse qui dicat, ut quid ergo non omnibus animantibus, sed alicui eorum generi incidunt hi morbi? Cui ego sic responderim. Differt corpus à corpore, natura à natura, & nutrimentum à nutrimento. Non enim omni animantium generi eadem aut non conferunt, aut commoda sunt, sed sunt alia alijs magis conuenientia. Omnibus itaque consentientibus morbus iste pestilens, febris erit praua, seu pessima, ac perniciosissima, communis, ac uulgaris ex pestilenti aeris statu proficiscens; erit, inquam, morbus utique contagiosus, maximum quidem bellum inter uitam ac mortem, & mirabile admodum



dum diuinum erga mortales flagellum. Ad cuius curatione in antequam accedamus, & antequam causas, signa, prognostica, generationē, precautionem ordine subtiliter perquiramus, Aeternam ipsam Monarchiam quā humiliter ac deuote deprecari, orareque semper debemus, ut ab hoc prædicto flagello intacto, nos omnes relinquat. Post quas preces, & facilius, & commodius, ac melius ad prædictarum rerum inquisitionem tandem accedere poterimus. Causas igitur istius contagiosæ pestis (ut ab eis exordiamur) multas quidem esse opinor, quas omnes non recensendas esse duco, ne breuis iste noster tractatus perprolixus nimium appareat, qui postea uel clarior, aut utilior, & facilius minime succederet; sed potius forsitan obscurior, & difficilior, ac magis lectoribus permolestus euaderet, ijs præsertim, qui breuibus rem totam legere, ac simul percipere desiderant. Quod si quidem, ut commodius nobis eueniat in causa erit posthac, ut de eis tantum causis pertractemus, quæ nempe magis nobis necessariae huic nostræ declarationi uidebuntur, & à quibus absque ullo difficultatis timore satis alias uniuersas unusquisque recte cognoscere possit. Duplices itaque talium morborum causas esse statuemus, sicut etiam hoc idem ex Galeno pri. de diff. feb. cap. quar. appa- Galenus.

ret,

*Cause*



ret, ac alijs plerisque in locis; sed non eas dupli-  
ces: quas quidem, qui altius rem totā perscru-  
tari uolunt assignare conantur; Terræ nempe  
alteram, alteram cælo adscribentes; quando-  
quidem se ipsos, artem, ac omnia potius sub-  
uertere uidentur, quam boni quicquam osten-  
dant, ut inferius declarabimus; Verum enim-  
uero si eas minime spurias causas, uel dicamus  
ineptas perquirere desideremus, sed legitimas  
tantum accipiamus, aeris tantum malam  
coinquinationem, & humorum nostrorum cor-  
ruptionem assignabimus. Quæ quidem ambo  
satis nempe uolenter pestem nobis afferre po-  
terunt, etiam si ex corrupto tantum, atque ui-  
tiato malo aliquo inquinamento aeris nascatur  
morbus iste. ab aere, inquam, qui morbidam ex-  
cretionem in se habens, quæ ueneni instar sit,  
pestilentes, & contagiosos parit morbos, ut Ga-  
lenus lib. de Theriaca ad Piso. his uerbis bellis-  
sime expressisse est uisus, inquiens. Pestis tan-  
quam & ipsa existat quædam bellua, haud pau-  
cos interimit; uerum Ciuitates quoque to-  
tas depascens, malè conficit. Quippe (subdit)  
praua quædam aeris ad corruptionem prom-  
pta mutatio efficitur, & homines cum respira-  
tionis necessitate periculum euitare nequeant,  
ipsum aerem ueluti uenenum quoddam ad se  
per os attrahunt. Quod quidem & rursus  
idem

Galenus.



idem author, lib. ad Pamphilianum confirma-  
 nit, Hippocratis utiq; lib. de nat. hum. mentem  
 sequutus. Hæc profectò prima, atque præcipua  
 contagiosorum morborum, tum & pestilen-  
 tium causa: Vitiosi aeris inquinamento ali-  
 quo, seu uaporibus infecti attractus, cui altera  
 successiue associatur: humorum uidelicet inter-  
 norum permutatio, ac corruptio. Putredinis  
 autem (inquit Galenus eodem lib. de disse. feb. et ca. eodem) principium uel cadauerum mul-  
 titudine non crematorum fit, uel ex aliquorum  
 uel lacuum, uel paludum æstatis tempore eua-  
 poratione, uel cæno, luto, alijsque cõsimilibus,  
 aut à terræ specubus, ac baratris, quæ aerem  
 omnes nos ambientem facile quidem coinqui-  
 nare possunt, & in ipso uitium astruere, unde  
 pestilenter isti morbi postea nascuntur. Si præ-  
 terea domi quis belluas aliquas mortuas, et pu-  
 tredini iam uicinas, uel legumina, aut segetes  
 similiter putridas retinuerit, omnia etiam  
 hæc, sciat, in causa postea esse ut aer ille domesti-  
 cus coinquinetur, ac malus uel pestilens redda-  
 tur. sicut etiam cum in Ciuitatibus, aut uijs  
 earum res prauæ alicuius, & fætidæ odoris ag-  
 geruntur, ut lini, cannabis, coriorum, ut brassi-  
 cæ, arborumque erucæ, & huiusmodi, quæ in  
 aquis macerantur graueolentia. & sic uarijs,  
 infinitisque quodam modo occasionibus accide-

re

Hippoc.

Galenus.



re poterit ut prædictus aer putrescat, corrumpatur, ac pestilens omnino euadat. Nec quicquam hæsitandum erit, licet dubium quoddam appareat, quod aer ( ut quidam dixerunt ) nec ignis immutentur, ac putrescant, sed aqua tantum, & terra; quod quidem satis apud Peripateticorum principem uidere erit proble.

*Aristot.*

20. sect. 25. quoniam cum ipso met eodem Aristotele, aut uerbis potius eiusdem, quam facile à nobis dubitationem istam remouebimus, cum rei huiusmodi rationē assignat, sic dicens. quod id nullatenus eueniat ob aeris naturam, sed quia igne refertus est, qui imputrescibilis omnino existit, cum eo nihil sit calidius. quem admodum ergo qui igne refertus est aer nō putrescit, ita ob alteram ei permixtam substantiam prauam, suamque humiditatem non raro putrescere contingit; quo fit ut ipsi non repugnet Aristoteles, & à nobis remouebimus omnem non solum huiusmodi dubitationem, sed eandem etiam resoluemus, unā concludentes, quod ea prædicta uia coinquinetur, immutetur, corrumpatur, & pestiferum tandem uenenum acquirere possit. Et quamuis deinde alterum adhuc in mente remaneat dubium, nunquid aer possit in propria sui substantia, seu essentia alterari, ac putrescere, adeò ut propterea pestilens reddatur, cū ipse ( ut satis patet )  
inter



inter cætera corpora à philosophorum, ac medicorum scholis connumeretur: tale ita quoque dubium ex mente nostra remouebimus, & omnino conquiescemus, quotiescunq; in memoriam reuocemus, aerem, donec propriam seruat naturam, uel substantiam, ita ut prorsus purus, ac sincerus sit, putrescere nullo modo, seu corrumpi, & pestilentem reddi posse. At ubi contingat ut amplius eo modo, quo fieri possit sincerus, ac purus non fuerit, sed aliqua (ut diximus) ei permisceatur substantia praua, ut aliquis uapor putridus, uel quid huiusmodi, ex antedictis, sanè quidem credendum erit aerem non modo posse putrescere, uerum etiam & corrumpi, ac secundum totam substantiam immutari: quod uerò non solum aer, sed cætera quoque elementa (excepto igne) putrescant, ita certum esse apparet, quam quod certissimum, ut decretum reliquit ipse noster Arist.

Stoteles quar. Meteororum tex. quin. Sine igitur discrepantia aer ideò putrescit, ac corrumpitur secundum non solum eius naturam, uel substantiam, aut esse, ut ex prædicto Aristotele liquet quamplurimis alijs in locis ut probl. 21. sect. pri. & post ipsum Galenus secum de nat. hum. & 12. meth. med. pr. de diff. feb. & prius Hippocrates etiam sec. & ter. de uulg. mor. hoc idem nobis affirmat, concluditque. Nec

B

igitur



Hippoc.  
Galenus.

igitur propterea ulterius nobis dubitandum  
erit, num res sic se se habeat, nec ne, postquam  
et ipso sensu, rationibusque satis probabilibus,  
& predictorum virorum auctoritate iam con-  
quiescere poterimus, id ipsum concludentes,  
quod & materia ipsa, ac forma immutatur, al-  
teratur, coinquinatur, corrumpitur, & tan-  
dem putrescit, ac uenenosam naturam acquirit:  
immutatur, inquam, alteraturque non secun-  
dum quorundam aeream (ut sic dixerim) opi-  
nionem doctorum, qui quidem frigida, ac humi-  
da intemperie coinquinari asserunt, nihil for-  
san intelligentes ea, quae tum ex Hippocrate,  
tum ex Galeno relicta patent. Ipse enim diui-  
nus senex secun. & ter. de uulg. mor. aerem ne-  
dum in manifestis qualitatibus, sed etiam secun-  
dum totam substantiam fuisse ostendit immuta-  
tum: fuit etenim ne dum calida, & humida, in-  
quit, constitutio, sed nebula turbida, umbrosa,  
seu caliginosa, & aer multis nubibus plenus,  
non lucidus nec purus, neque omnino serenus,  
quemadmodum ex Galeni mente id idem colli-  
gere possumus: quibus paulo post subdit eodem  
lib. comm. tert. super tex. pri. & uidetur pu-  
tredo ex materia quidem gigni humida, ex cau-  
sa uero efficiente extraneo, & praeter natu-  
ram calore. Valde itaque dictorum doctrina  
decipitur, & ab istorum auctoritatibus om-  
nino



nino aliena declaratur . cum quibus non haec-  
 nus erit disputandum , postquam satis inepte  
 frigiditatem caloris loco praeponuerunt ; qui  
 quantum ratione pugnent , facile unicuique pa-  
 tet . Quamobrem absq; dicta eius putredine cre-  
 dendum quoque erit nos peste intactos perpe-  
 tuo permansuros , & ( ut opinor ) si statim à  
 principio optima remedia adhiberemus , ne  
 aer praedictus ulterius corrumpetur , uerum  
 potius ad eius naturalem statum conuerti pos-  
 set , sine magno admodum labore , uel dispen-  
 dio , liberi omnes ab huiusmodi exitiosissima  
 peste quiesceremus . Hæc itaque , sine discre-  
 pantia , prima , ac præcipua erit pestis causa ,  
 à qua præter alias pene innumerabiles , altera  
 antedicta humorum putrefactio procedet , ac  
 interna præsertim nostrorum cordium humidi-  
 tas : causas eorum retro ponentes , qui secretio-  
 res his pestilentibus morbis assignant , ut apud *inductio*  
 Ptolomæum , & Alkabitium uidere liquet , ac *celerrimè*  
 alios quamplurimos cum Medicorum , tum ue- *imp. bat.*  
 rò Astronomorum in magnis planetarum con- *Ptolom.*  
 iunctionibus , complexionibusque euenire tra- *Alkabi-*  
 dentes ; quemadmodum hoc etiam Auicenna *Auic.*  
*Fen. prim. quar. tract. 4. ca. pri.* pestilentis fe-  
 bris causas enumerās arbitratur . Principium  
 ( inquit ) omnium horum sunt formæ ex for-  
 mis cæli , facientes esse necessarium illud , cuius  
 B 2 aduentus



aduentus ignoratur. Et paulo post. Oportet ut  
 seias quod causa prima lōginqua ad illud, sunt  
 figuræ cælestes, & propinquæ dispositiones ter-  
 restres. Quem ut potè scholæ Arabum princi-  
 pem, multi non eius factionis solum, sed melio-  
 rum disciplinarum cultores secuti sunt. Ut ue-  
 rò illis concesserim una cum Galeno lib. pri. de  
 diff. feb. cap. quar. à tetrīs spirationibus aeris  
 circumfusi, & ab impuris terræ locis manan-  
 tibus contagium huiusmodi procreari: sic cer-  
 tē à cælo defluere id mali admitti nullo modo  
 debet. Neque ullum esse cæli, ac syderum con-  
 cursum talem aut cōfigurationem, quæ pestem  
 immittere in inferiora hæc quæ incolimus ue-  
 lit. Quod ut non temere affirmare uideri pos-  
 sim, ea potissimum adferam, quæ dicto fidem  
 asserere ualeant. Non ne summus ille diuinus  
 Plato ( ut ab ipso incipiamus ) in Epinomide  
 astrorum eam uult esse naturam, ut et uisu pul-  
 cherrima sit, & progressu, chorea quæ insignis,  
 animalibus cūctis cōmoda præbeat: sanè quidē  
 hoc totū eius uerba cōstringūt, quæ græce hæc  
 erunt. ἄλλο δὲ χεῖν ζώου γένος δοῦναι δέυτερον γι-  
 γνέμενον ἅμα καὶ δυνατὸν ὁρᾶσθαι. τὸ γὰρ πλεῖστον  
 πυρὸς ἔχει μὲν γῆς τί καὶ ἄερος, ἔχει δὲ τῶν ἀπ᾿ αὐ-  
 τῶν τῶν ἄλλων βραχέα μέρη. διὸ δὴ ζῶα τε ἐξ αὐ-  
 τῶν παντὸς ἀπαγίγνεσθαι χεῖν φαίει καὶ ὁράμενα  
 νομίσαι δὲ δεῖ πάντα τὰ κατ' ἐραστον ταῦτα εἶναι  
 ζώων



ζώων γένη. ὃ δὴ παῦ καὶ φαίει θεῖον γένος ἄσπερον  
γεγονέναι. σώματος μὲν τοχὸν καλλίστη, ψυχῆς δὲ  
ἀδαιμονεστάτης τὲ καὶ ἀρίστης. δυοῖν δὲ αὐτοῖς μορ-  
φῶν, τὴν ἑτέραν καὶ δόξῃ μεταδιδόναι χερδόν. ἥ  
γὰρ ἀνόλεθρον τὲ καὶ ἀδανάτον ἕκαστον αὐτῶν εἶναι,  
καὶ θεῖον τὸ παραπανεξ ἀπάσης ἀνάγκης, ἢ τίνα  
μακροαἰωνάδιον. ἔχεν ἱραμὸν ἐκαστὸν ζωῆς, ἥς ἐδέ-  
τικ πλείονος αὐτὸν προσδεῖσθαι ποτὲ. *Quod quidē est.*

*Alterum animalium genus statuendum est,*  
*quod etiam & gignitur, et cerni potest, et ignis*  
*quidem plurimum, terræ quoque, & aeris, cæ-*  
*terorumque omnium paruas particulas ha-*  
*bens: uariaque omnino hinc animalia, & visi-*  
*bilia generari dicendum, Hæc cælestia existi-*  
*mus animalia esse, diuinum astrorū genus,*  
*corpore quidem pulcherrimo, anima autē tum*  
*beatissima, tum optima constitutum. His utiq;*  
*animalibus ē duabus sortibus alteram tribuen-*  
*dam putamus. Nam aut absque perniciē im-*  
*mortalia, atque diuina necessario singula sunt,*  
*aut uitam longæuam agunt, singulis adeo suffi-*  
*cientem, ut longiore nō egeant. Si igitur absq;*  
*perniciē esse astra assignat Plato, & sidera om-*  
*nia diuinaque etiam, ac sempiterna, quo nam*  
*pactō contagiosam pestilentiam his inferiori-*  
*bus largientur? cum purissima, ætherea, &*  
*ab omni prorsus contagē alienissima sint? Nō*  
*ne iterum ex eodem probare id ipsum licebit,*



cum inquit. ταὐτὸ δ' εἶναι τὴν τῶν ἀστρῶν φύσιν,  
 ἰδέειν μὲν καλλίστην, πορεῖαν δὲ καὶ χορείαν, πάν-  
 των χορῶν καλλίστην, καὶ μεγαλοπρεπესτάτην, χορ-  
 δόντα, πᾶσι τοῖς ζῶσι τὸ δέον ἀποτελεῖν. *Quod*  
*est.* Hanc astrorum naturam esse, uisu quidem  
 pulcherrimam, progressu, & chorea optima  
 utentē, οἷον quæ chorearū recētissima, ac ma-  
 gnificentissima quæ cūctis animalibus cōmoda  
 p̄bet. Si ergo bona, atq; cōmoda impartiri astra  
 animantibus cūctis soleant, sit autem bono  
 malum contrarium, ipsaque pestis malorum  
 omnium perniciosissimum, fieri profectò mini-  
 me potest ut ab astris euenire possit. & si nullū  
 sydus malum erit, quæ nam pacto mala in hæc  
 inferiora ui sua planè benefica ac salutari im-  
 mittent? Non ne Aristoteles etiam in lib. 9.  
 metaph. cap. 10. hoc idem confirmat, sic di-  
 cens? Non igitur quicquam in ijs, quæ à prin-  
 cipio, & quæ perpetua sunt, malum est, neque  
 error, neque corruptum, etenim corruptio de  
 malis est. Mercurius quoque Trimegistus in  
 Asclepio non ne talem prorsus reprobatur ine-  
 ptam opinionem? cum inquit. Quicquid de al-  
 to descendit generans est. Quod si generat,  
 quod è cælo ad nos labitur, quomodo corrup-  
 pere potest? Dicant obsecro Astronomiæ secta-  
 tores isti, quomodo, aut qua tādē ratione hoc  
 absurdum defendere possint, quid, quod stella-  
 rum

*Arist.*

*Mercur.*



rum quædam sunt fortunatæ, quædam uerò in fortunatæ. Sed uideant precor quid Auerronis sibi uelit cum inquit. Et ex hoc cognoscitur impossibile id esse scire, quod Astronomi dicunt stellas quasdam fortunatas esse, alias infortunatas. Id autem sciri de eis potest quasdam quibusdam esse meliores. Desinant itaque omnes, & cum ipsis una, qui eos sequuntur parum cordati Medici nobis suis fallacijs, technisque imponere; impium enim esse oportet dicere, atque nefas diuinissimis, ac purissimis existētibus corporibus corruptionis omnis, ac passionis experitibus; faterique tandem conentur nec à cælo, nec à syderibus tantum mali in mortalium perniciem deriuari, sed id omne ab impura inferiorum exhalatione manare, & in natura mortalium subesse confirment, causamque eorum huiusmodi irrideant, & tanquam ineptam postponant in futurum. Ac nobiscum una fateantur Theologorum certissimam esse cum dicunt. Dei summi, arcana uoluntate, atque inscrutabili consilio non rarò pestilentes morbos, seuq; contagij semina, huc ad puniendâ hominum scelera, reuocandosque ad se à corruptela morum homines, immitti. Et ita cum Theologorum scholis concordantes, & medice postea causas alias inquirentes, eas tātum præponere non dubitabimus, quas superius modo

Auerr.



demonstrabamus. aeris (inquam) corruptionem; humorumque putrefactionem. At non propterea consequetur hanc pestilentem febrem eiusdem generis esse, cum his quæ ab humorum putredine accenduntur; quoniam perpetuo eam ab externa causa ortum ducere fas erit, quæ, aer erit immutatus, ac coinquinatus, uel corruptus: illæ uerò contra nunquam ab externis fiunt, semper autem ab internis. Præterea illæ febres, à quauis humorum putredine excitantur, ista uerò nisi maxima genita fuerit putredo generari nunquam poterit, & maxima in modum, ut potius corruptio per putredinem, quam putredo simpliciter appellanda sit. Postea id ipsum, quod in hac pestilenti febre putrescit perpetuo cordis aliquam esse substantiam conueniet, in alijs uerò febribus, quæ ex humorum quidem putredine oriuntur, uel nunquam, uel raro id euenire uidemus. Quamplurimis itè rationibus inter se ipsas differre inueniemus. sed ut citius finem tractatus attingamus, uniuersas prætermitemus. Et causas hoc modo absoluemus, tum aeris prædictas, tum etiam humorum, semper illud concludentes, ut prima, ac peculiaris causa pestis prædictæ sit solum pessima aeris putredo, et corruptio, cum in materia, tum in forma à rebus iam superius demonstratis, cum alijs quam plurimis, quas etiã præter-



prætermittendas duximus ; quibus traditis finem faciemus, & ad signorum declarationem nostra conuertetur oratio ; in quibus eundem sequemur ordinem, quem hætenus in causis prædictis secuti sumus ; solum scilicet ea signa demonstrabimus, quæ magis quidem manifesta nobis apparebunt. Si igitur assidue in fine ueris mala erunt tempora, hoc est pluuia, uel in æstatis fine absque uentorum flatibus cum uehementi admodum calore : uel si meridionales uenti flauerint, & dum non pluit turbidus tamen ac nebulosus aer conspicitur, pestilentiam futuram in fine æstatis proculdubio significabit : sicut talem inquit Hippocrates fuisse temporis constitutionem, cum in Cranone ciuitate ita horribilis, magnaue pestis ab eo descripta fuit : facile siquidem diuinus Hippocrates ante tempus à prædictis omnibus mutationibus cognouit ; quod cum sic confusum tempus tunc esset, aliud nihil euenturum quidem nisi malus aliquis affectus, & cum ingenio omnia considerasset, quam optime sanè comperijt eos peste tremebunda correpturos iri. quæ postea cum eius prognosticatione statim euenit, ut idem temporibus quoque nostris euenturum opinor, ac posteriorum omnium. Aliud adhuc è cælo accipere etiam poterimus, idest cum igneæ flammæ, ac ueluti stellæ cadentes, uel cometes in aere uidentur,

Futura  
pestis si-  
gna.

Hippoc.



uidentur, uel solis incensus calor; quæ omnia ex immodica siccitate, uel uapore (ut sic dixerim) accenso, proueniunt, & facile aerem postea corrumpere, ac immutare possunt, potissimum autumni tempore; uel si arbores ardere uideantur; aut si à longe quicquam inspiciamus, aer penitus ptremet, ut accidit super fornacē igne refertam, certius est signum pestis uicinitatis in mortales; sicut fuisse refertur aerem anno iam elapso apud non nullos Anglorum populos, inter quos deinceps ualde horrenda quidē pestis misere uiguit; ita ut quamplurimos Londini illæsos timore tantum, ac periculi cogitatione supernecauerit; quemadmodum etiam sæpius apud Gallos uidere licet, quibus sæpius quoque pestis acerbissima resurgit. At si aer quasi puluerulentus mensibus aliquod perseueret, & sicca, crassa, ac multæ nebula cum ipso uideantur, clarum etiam pestis futuræ signum ostendunt; ut sæpius illi etiam experiuntur Bisantini populi, quos pestis sæuissime continuo necat. Cumque aerem uideamus turbidum, uel nebulosum, ac utrumque autumnii, & hyemis tempore, pluuiamque speremus, nec tamen pluatur; tunc etiam signum erit eius temporis temperamentum esse corruptum; quemadmodum idem euenisse; tribus ab hinc annis in Babilonia ciuitate antiquissima quamplurimi mercatores



tores nobis retulerunt. Rursus æstinam pestilentiam nobis designat pluuiæ paucitas in uere, cum frigore multo; quibus signis cum uentus subsequitur Auster, aliquotque diebus aer modo frigidus, modo calidus conturbetur, uel canes etiam multi rabie afficiantur, pestem futuram omnino demonstrant; sicut cum lupi per ciuitates transcurrant, fastidiosi, molesti, ac rabida fame oppressi, clarum etiam est nobis futuri istius morbi indicatio quædam; quemadmodum quoque multi ex antiquioribus nostris fuisse dicunt multis elapsis iam annis in nostris partibus apud Felicissimi, Illustrissimique Principis nostri, ac Potentissimi Ducis Urbini populos, quem cum omnibus Deus perpetuo conseruare dignetur; incolumenque relinquere, ut feliciter nos omnes gubernet, cum inter cæteros uniuersos Principes, Princeps iustissimus, cum omni benignitatis ac pietatis feruore nostris temporibus reperiatur. Afferunt itaque seniores illi tunc temporis ualde quidem impia peste diutius oppressos fuisse. Aues etiam nobis inditium maximum futuræ pestis ostendunt, quoties oua, ac paruulos eorum pullos immaturos adhuc deserunt; serpentes etiam per aerem apparentes, uel uermes, ranarum multitudo cum uarijs una, diuersisque uisionibus signa quoque manifesta nobis semper sunt futura.



ra. Alia deinde signa nobis apparere possunt, quibus in coniecturam uenire possumus pestis aduentura; quæ breuitatis gratia nobis prætermittentur, ut citius ad hominis correpti signorum inquisitionem accedamus. Sed quoniam in peste omnia horrendissima fieri possunt, & grauissima quæque superueniunt, nihilque in ea uelut in alijs morbis definitum est, ob id à maximis exordiemur inditijs febrium istarum pestilentium; quæ quidem maxima aut à calore, uel pulsu, uel urina, aut ab omnibus una sumuntur. Calor si quidem harum febrium ab alijs per putredinis copiam differt, ut tangentibus nobis eos cognoscere liquet, postquam nunquam calidi ut perurant apparent, & extrinsecus in extremis eorum partibus tactu perfrigescent, licet interius magno flagrarint incendio, ut liquet etiam ex Galeno sext. de uulg. morb. compri. super text. 29. in ea peste euenisse, quam Thucydides descripsit; quibus adeo interiora urebantur, ut neque ualde subtilium uestimentorum, neque linteolorum uelamenta, neque aliud quicquam præter nuditatem ferre possent; quamuis exterius corpus tangenti ualde calidum non erat. Aliud deinde sequitur signum antequam ad pulsuum signa perueniamus, quod erit ut omnes totius corporis grauitas per magna tunc opprimat, cum sudore quodam

Quibus si  
gnis iam  
hominem  
peste op-  
pressum  
cognosca-  
mus.

Galenus.

Thucy-  
dides.



dam fœtido, ut plurimum lasi, segnes, uel son-  
 nolenti uidentur, cum respirationis quoq; diffi-  
 cultate, ac maximo quodam anhelitus fœtore,  
 sæpissimaque oscitatione. quos uerò si Medi-  
 cus manum super pectus imponat ut febris ca-  
 lorem dignoscat, calidos magis ibi eos inuene-  
 rit, quam alibi per totum corpus. Deinde uel  
 breui, uel nunquam sine capitis dolore reperiri-  
 tur; quos etiam si conspexeris iratos quodam  
 modo indicaueris, continuoq; color uarius, siti  
 bundi, facile uomentes, difficulterque cibum  
 retinentes, cum oris, ac linguæ amaritudine,  
 nigredine, uel citrinitate, ac siccitate. Pulsus  
 postea adsunt omnino frequentes, celeresque sæ-  
 pius, non autem præualidi, sed quibusdam im-  
 becilli, manifestiusq; celeritas cōtractionis per-  
 cipitur; quibusdam uerò aderunt pulsus ferè  
 moderatis similes, parumque præter naturam  
 immutati, ac in eodem statu perpetuo perma-  
 nentes. Urinæ non semper eodem modo uide-  
 buntur, sed aquosæ, tennes, biliosæ, ad nigredi-  
 nem interdum tendentes, ut Paulus Egineta  
 inquit lib. sec. cap. 36. ac conturbatæ, aut qui-  
 busdam crassæ, subfœtidæ, uel omnino sanorum  
 similes colore, crassitudine, ac sedimento; quæ  
 inter omnes exitior est, uel quoque superius cir-  
 ca coronam (ut sic dixerim) quædam subliui-  
 da quodammodo apparent, ac fugiunt; & item  
 aliæ,

Paulus  
Egineta.



aliæ, quæ aranearū telas ueluti latas referūt,  
 uel campanulas quasdam intus conspicias, ut  
 si oleum proieceris; at si quid huiusmodi ani-  
 maduertas, aut nullum planè sublimamentū in-  
 natate, urinis in deteriore omnino partem  
 Galenus interpretare, ut Galenus inquit tert. de præ-  
 sag. ex puls. cap. quar. Verum ex urina in eius-  
 modi febribus; præsertim ubi corpus cordis  
 occupauerit firmam notitiam petere semper  
 non licebit, sed certiora quæramus signa. Ap-  
 parent deinde per uniuersum corpus affectum  
 pustulæ quædam pestilentes, ut sunt carbuncu-  
 li, ac praua alia ulcera, & pernitiosa in facie,  
 tonsillis, aut sub alis, aut circa inguina, ac in  
 Aetius reliquo corpore, ut illud idem recenset Aetius  
 Paulus. lib. quin. cap. 95. ac Paulus libro iam prædi-  
 cto. Aliquando quiescere nullo modo possunt,  
 incidunt in syncopim, seu animi deliquium, ac  
 sæpius si sudant, sudorem frigidum sudant: cum  
 uomuerint, materiæ quædam erunt coloris ua-  
 ria, præsertim ad nigriorem uergentes: si per  
 secessum talem habeant fætentem materiam,  
 aut uiscidam, uel breui morituros eos existima-  
 to, uel nullatenus euasuros, nisi ope tantum di-  
 Galenus. uina; nam ut perbelle inquit Galenus citato  
 loco ca. ter. quam excogites medicinam ad pu-  
 tredinem, quæ cor occupauerit: quibus pestilē-  
 tibus signis aliud tandem superaddemus, &  
 postea



postea ulterius progredientes ad curationem,  
& reliqua perueniemus. si nigram igitur, aut  
plumbëam, putridamve habeant urinam: ac  
fœtentem anhelitum, torporem, seu spasmum,  
istos quoque mors cito inuadet. Et licet mul-  
tis adhuc signis cognoscere possimus, & pestem  
ac peste correptos; nobis tamen sat fuerit ea  
tantum enarrasse, quæ nos manu ducere possunt  
in aliorum perfectam cognitionem. & ita si-  
gnorum declarationem absoluemus, postquam  
dictum est eam dignosci ex febris maligno mo-  
re, uomitu, angustia, conturbatione, animi deli-  
quio, pestilenti aeris statu, à quo multi eodem  
morbo corripuntur, ac alijs plerisque. Sæ-  
uiēti igitur morbo confestim nos occurramus,  
quod procrastinatio in talibus morbis mortem  
adferre soleat; unde est illud Hippocratis aph.  
10. lib. quar. medicare in ualde acutis morbis  
si materia turget, eadem die, tardare enim in  
talibus malum. Sed ad alia iam accedamus, id  
unum tamen non relinquentes, quod homines  
pestis magis obnoxij sunt habentes humores  
crassos, uel prauos, aut multos, & sanguinis  
copiam, suntque præcipue pueri, & adolescen-  
tes, nubiles puellæ, & qui temperaturæ sunt ca-  
lidæ, & humidæ; deinde qui calidæ ac siccæ, uel  
frigidæ, ac siccæ. Qua propter hi omnes inter  
alios cauere magis debent, ne multum in locis  
maneant,

Hippoc.



Quandiu  
pestis per  
durct.

mancant, ubi magna sit aquarum copia putridarum, uel ubi multa sint cadauera licet sepulta, uel in satis uaporosis locis, ubi facilius ortum ducere hæc pestis potest. Pestis præterea ut plurimum ultra triennium non sæuit, uel durat, aut quia tamdiu aer ipse, cum sit læuissimæ substantiæ, ulteriorem putredinem pati non queat; uel quod tandiu non habet in quos sæuiat. Lutetia tamen Parisiorum, ubi alias aliquandiu istis studijs operam dedi, continuo aliquem reperies peste correptum, nec unquā penitus desinit, ita ut iam minus multi timeant, quam capitis minimum dolorē; annisq; singulis in cælestis Piscis coniunctione, ac Solis cum Luna oppositione, & quando Sol sub Saturni, ac Martis quadrangulum transit, resurgere semper uidetur, & crescit, sicut ubiq; id euenturum peste uidebis; deteriusque nos tractat in Solis ortu & occasu, quàm medio die, ac media nocte, ut id totum tot Parisienses probare possunt, cum eis una, qui ordine, ac methodo pestem curarunt; sed tamen si inter eos continuo duraret, ac sæuaret, ut ea durauit inter Anglos Londini, ubi mille quandoq; in hebdomada occidebat; certe credendum est quod diutius nō perduraret, et sic causis, signis ac rebus alijs prædictis iam finem tandem imponamus, ordinemque, uel modum, & methodum



## De Peste.

33

dum nos quoque curationis ponamus, ut liberi  
ab hoc contagioso morbo liberi maneamus,  
alios curemus, correptos, ceterosque sanos præ  
seruemus. Ergo si pestis uis locum quempiam  
occupauerit, tractumve terræ aliquem, proti-  
nus periculum subesse constat, ne labem eam ae-  
ris inquinati attractu contrahant, qui ibi de-  
gunt homines. Quod ne fiat, prima, præcipuaq;  
ea cautio fuerit ut aerem putridum summo-  
ueamus. Quoniam (ut Galenus inquit pri. de  
diff. feb. ca. 4.) huiusmodi pestilentes febres ne  
que simplicem habebunt curationis indicatio-  
nem, quemadmodum de ceteris febribus, quæ  
ex humorum putredine fiunt, sed geminam:  
alteram nempe, quæ ex ipsa febre præstat;  
alteram uerò, quæ ex putredine sumitur; quā-  
uis putredo primo sananda sit tanquam fe-  
brium causa, nec interim febris, quæ per eam  
accensa est ratio, non erit habenda, modo uires  
ualeant, & si in idem consentiant, quæ febrem  
extingunt, & putredinem auferant, sine cun-  
ctatione id agendum erit. At cum putredo in  
his febribus non ex quapiam interna causa sed  
ex putrido inspirato aere originem ducat, huic  
primo prospiciendum erit, ne & putredinem,  
& febrem amplius in corporibus efficiat, atq;  
augeat; deinde quicquid eorum iam factum est  
summonere tentandum. Aerem itaque purifi-  
cabis,

Pestis cu-  
ratio.

Galenus.



Hippoc.  
Galenus.

cabimus, atque putridum dissipabimus, extinguemusque, multo ex odoratis lignis accenso igne, quod in magna illa pestilentia ex Aethiopia in Græciam populariter sæuiente fecisse Hippocratem scribit lib. de Ther. ad Pis. Galenus. Sint autem ligna odorata, & quæ igni admota suauissimum spirent odorem, qualia habentur libanotis, quem rorem marinum vocant, laurus, iuniperus, quercus, agallocū, lentiscus, hyssopus, maiorana, salices, genistæ, & eius generis alia; uel species quædam aromaticæ, quæ spiritus quidem corroborarent nostros; ut sunt cinnamomum, chariophylli, iuniperi semina, lauri baccæ, ualerianæ grana, spicæ nardi, cubebe, myrrha, styrax, ladanum, citri cortices aridi, limonumque, lignum aloes, laser indicus, olibanum, muscum, gallia moscata; omnibus tritis, & in puluerem tenuissimum reductis, ex qua florum citri infusionis tragacanthi effictis pastillis, ac igni subditis, aerem præstat euaporare, uel ita omnia hæc grosso modo contrita in ignem proijcere. mortuorum cadauera statim remouenda erunt, si adsint insepulta, ac singula uel sepulcris tradere, uel potius comburere opus erit. Et sic omni cura studebimus omnia quæ superius coinquinare, ac pestilentem aerem formare diximus, quamprimum euellere,



euellere ac remouere, ut commodius, tutius, ac  
facilius ad humorum internorum putredinis  
curam accedamus. Quoniam uerò præcipuas  
in morbo leuando, ac humoribus corrigendis,  
aeris attracti qualitas partes habet, providen-  
dum ut qui ab ægro inspiratur aer, purus, &  
ab omni inquinamento liber, probeq; perfla-  
tus, & aquilonibus expositus sit: talis enim sa-  
luberrimus esse, uel omnium autorum senten-  
tia existimatur. Quamobrem præstandum id  
erit, ut primo ex ædibus omnia putrida aufe-  
rantur, uel quæ facile putrescât, cloacæ sæpius  
mundandæ, & nullo pacto ferendum erit ut  
animalia mortua ibidem retineantur, uel simi-  
le quidpiam mali odoris. Quod si aliqua causa  
id fieri prohibeatur; citissime quidem curanda  
est fuga, & loci permutatio. si enim aer ipse pu-  
tridus erit in causa totius contagionis, optimū  
sanè fuerit celerrime fuga se proripere. quod  
quidem iubet Hippocrates lib. de nat. hum. &  
ad longissima inde loca, eaque saluberrima se  
transferant, inde minime de reditu cogitantes  
quam tota uis morbi dissipata, extinctaque fue-  
rit. Quod quidem uulgus obseruans his tribus  
aduerbijs quasi compendio Hippocratis mentē  
explicans, uice prouerbij utitur Cito, Longe,  
Tarde. Cito inquam fugiant pestiferum pericu-  
lum, ne diutius immorantes malum hūc mor-

Hippoc



bum acquirant; cumque citò discesserint, minime redeant donec periculum se se offerat; & perinde domus in qua postea æger decūbet eligenda erit uersus sita Aquilonem, in loco non utique cauo, qui nullum percipiat perflatum, sed elato: sint tamen fenestræ clausæ quodammodo, ne multus, & pestilens aer ingrediatur, præsertim si quæ erunt uersus Austrum. Quæ uerò ad Aquilonem sunt positæ, interim patere conuenit, ubi potissimum aer clarus, ac serenus fuerit. Turba quoque hominum tunc temporis quantum fieri potest, ingredi prohibeatur; nam præter id, quod aerem pestilentem secum trahunt, domum etiam calefaciunt. Pulueres etiam, ac fumus euitandus erit; nam ita perambulantes, dictus puluis eleuaretur, & auxilium aeri iam putrido præstare possit, eiusque corruptas uires conseruare. Præterea qui contagione nocent morbi, & pestilentes sunt, cum totius substantiæ morbi dicti sint, (sicut superius dictum est) præsidys itemque indigent prædictis, quæ quidem tota substantia ijs aduersentur non qualitate ulla elementari. Tam & si pro ratione superatis in morbo qualitatibus, contrarijs etiam qualitatibus pugnant.

**Galenus.** dum sit; ut & Galenus commento secundo ad  
**Taulus.** librum de natura humana, & Paulus Egineta  
 libro secundo capite trigesimo quinto docere  
 uidentur,



videntur, ut si intemperies calidior fuerit, refrigerantibus utamur; si frigidior calefacientibus; uti si humidior siccantibus; si iusto siccior contraria qualitate uincentibus medeamur. Sed hoc aduersus qualitates manifestas pugnare est, non morbum, qui tota sua substantia lædit corporisq; nostri substantiam depascit curare, quod pestilens sit, & aliquid contineat substantiæ nostræ aduersarium, atq; corrumpens; ac proinde remedijs opus est, quæ proprietate substantiæ delere pestis contagiosæ uim possint. Domum itaque renouemus, ijs cum rebus, quæ nim quidem exiccandi habeant, neque ut interpres quidam dixisse uidetur ex sententia Auic. cum refrigerantibus, ut apud ipsum uidere liquet lib. quar. Fen. pri. Tra. quar. cuius explanationem quantum ampliore reddiderit Clarissimus, eruditissimus, ac Diuinus quidem ille Paternus, iudicent peritissimi ubique homines, eique gratias meritò omnes agamus. nus. postquam dixit textum ipsum uel diuturnitate corruptum esse, uel male ab eodem interprete percognitum fuisse; quod ita uerum est, ut probatione magis, quam prædicti Fidelissimi Præceptoris mei auctoritate non egeat. Obstare igitur calidæ, ac humidæ intemperiei, quæ malam nobis aeris dispositionem porrigit, ea, quæ prædiximus aperte demonstrant. Quod



cum ita sit, ea omnia quæ superius posuimus, nobis ualde erunt accommodata, quibus & nos addemus, ut sæpius domus hæc aspergatur aqua rosacea, aut aceto rosaceo, uel utrisque simul permistis, aut humi rosæ plurimæ, uiolæ, nenufaris flores, seu myrti substernantur. In reliquis uerò edibus, aulæ in qua æger iacet quotidie ignis succedatur ex optimis atq; odoratis lignis, ac res etiam aliæ aromaticæ dictæ; ut si hyems fuerit ex styrace, lasere Indico, agalloco, moscho, olibano, ladano, gallia moscata, citri corticibus aridis, charyophillis, sampsyco, omnibus (ut supra etiam dictum est) tritis, & in tenuissimum puluerem redactis. Item ex libanotide, lauro, iunipero igni admotis suffire licet. Aestate uerò cubiculi solum sternatur myrthi folijs, citri mali, ac floribus. Inuenerit etiam ex redolentibus pomis putamina accepta, cum rosis aridis ignibus admouisse: rosas item, uiolas, odoratosque flores multos in cubiculo contineri utilissimum: irroretur cubiculi pauimentum, ac parietes etiam ipsi sequenti aqua. Accipe aquæ rosarum, lib. aquæ myrti, & florum citri ana. lib. i. aceti ros. albi libræ dimidium, uini cretici. 3. iiij. omnium santalorum ana. 3. i. camphoræ. 3. i. omnibus simul mixtis probeq; inuicem agitatis irrorentur cubiculi partes. In summa id cauendum



dum ne calidus, & humidus aer sit, sed frigidus (ut diximus) potius, ac siccus; ne caliginosus, conclusus, teter; sed purus, liber, suavis. In hunc etiam usum confert si eadem domus hoc alio decocto inspargatur. Recipe rosarum rubearum manip. i. santalorum omnium drachmas iiij. florum nenufaris, & uiolearum ana manip. ss. bulliant in sufficienti quantitate aquæ, & addita quarta aceti parte, utare. quæ quidē omnia cum fecerimus, satis sanè sufficient ad aeris prædicti coinquinationem corrigendam. & sic deinceps ad aliam perueniemus humorum causam; hoc est primum. Cibi sint, qui & optimum succum generent, & facile conficiantur, & putredinem horum arceant, ut & uirtus refici, & resistere pernicipi cibo instaurata possit. ob id ad cibum cogendi sunt, qui pestilenti lue corripuntur, quod in eo affectu prosterni plurimum appetentia soleat: quæ nisi congruo cibo reponatur, mox concidit uirtus. Ob id restrictissime id dixisse Auicenna lib. quar. Fen. pri. quar. tract. cap. quar. est uisus. Plurimos eorum, qui uiriliter agunt, & se se ad cibum inuitant, à morbo liberari. Pane itaque, ac uino utatur bono, ac ab omnibus malis qualitatibus libero, ac sincero. herbis quoque mollioribus, ac minime obduratis: cibos præterea assumant cum uiribus concordēs, hoc est

Cibi quales.

Auic.

Panis qualis.



**Ciborum  
quātitas  
unde su-  
menda.**

**Hippoc.**

**Galenus**

**Vinum  
quale.**

tanta eis cibi quantitas exhiberi debet, quan-  
tam vires exigunt; illud semper considerantes,  
ne nimio cibo eos strangulemus, uel saltem pu-  
tredinem, ac humorum corruptionem augea-  
mus. Quo circa corpora, ut perbelle nos do-  
cet Hippocrates lib. sec. de nat. hum. extenuan-  
da erunt, habita (inquam) ratione ut vires ser-  
uari possint usque ad morbi summum uigorē,  
& ubi non ualeant una uice uel duabus in die,  
eam cibi quantitatem euincere, ac concoquere,  
in plures tum diuidenda erit, hoc est ter, &  
sæpius, sed parum, cibus exhibendus erit, quem  
admodum docet idem Galenus com. 17. aphor.  
lib. pri. Vtantur itaque, iure ex caponum, alti-  
lium pullorum, perdicumve carnibus parato,  
in quod oxalidis, buglossi hortensis, intybi, aut  
lactucæ folia indantur. Intinctus fiant ex om-  
phacio, rosaceo aceto, oxalidis uel punicorum  
malorum succo. Sed omnia citrij, uel limonis  
succus bonitate, & uirium præstantia, in pellen-  
do ueneno superat: quo ne dum in cibis, sed &  
in iuribus quoque ipsis, atque etiamnum aquæ  
saccharatæ pro potu immiscendum puto, ac  
consulo. Istæ enim omnia putredini arcendæ,  
seminarijs pestilentibus fragentibus, atque al-  
terandis, principibusque partibus confirman-  
dis optime facere, usu exploratum, ac depre-  
hensum est. Vinum pro potu utique dandum  
est



est tenue ac odoratum, album, atque paucif-  
 rum, fontanaque aqua dilutum; idque ubi quie-  
 ta, ac mitis febris apparuerit. alioquin potus  
 sit aqua frigida, affatim, copioseq; hausta, præ-  
 sertim si æger ardore æstuet, ut Paulus li. sec.  
 cap. 36. ac Auicenna præcitato lib. copiosè do-  
 cent. In maiori tamen parte pestilentium fe-  
 brium, ego abstinerem à copioso frigida potu,  
 quoniam licet sua aqua frigiditate ardorem  
 compescere possit, humiditate tamen sua ni-  
 mia augere putredinem, atque obstructionem  
 crudiores reddere, qui propelli debet, humo-  
 rem, viresque deicere, solet. Aqua uerò cum  
 utendum est, illi admisceantur, quæ ueneni uim  
 retundere facultatem habent: qualia sunt pa-  
 ratus ex succo limonum syrupus, aut de duo-  
 bus granatis, uel ex oxalidis succo; proderitq;  
 plurimum si aquæ immadeant folia aliquot oxa-  
 lidis: nam præter id quod gratam gustui reddunt  
 potionem, salubrem etiam, & uenenis aduer-  
 santem efficiunt. Plus in uigiliam, quam in  
 somnum inclinent ægrotantes, modo uirium ra-  
 tio habeatur, ne nimia uigilia labascant vires.  
 Cauendus igitur immodicus erit somnus cum  
 humidiora corpora reddat, sicut uigiliæ siccio-  
 ra & imbecilliora ubi modum excefferint. Mo-  
 tus quoque sit temperatus, quoniam febrienti-  
 bus haudquaquam conueniens est, tanquam ca-  
 lorem

Paulus.  
 Auic.

Somnus,  
 et uigilia



Quies

lorem in corpore augens, atque frequentius infectum ac uenenatum aerem inspirare maxime coguntur. Corpore igitur, ac animo potius quiescant, nec tamen ociosi, sed uoluptuosis rebus omnino incumbant, ut continuo contagiosa pestis cogitationem animo expellant. *Viuant itaque omni conatu sine ullo penitus timore, speque sint bona, fiducia in Deum animum foueant, nec mali formidine terreantur. Qui enim animo forti, infractoque sunt, hi bona ex parte morbo superiores euadunt: ut contra quimeticulosi, pusillanimes, diffidentesve fuerint, uinci protinus à malo consueuere. In summa strictissima uiuant ratione, & plenitas omnis, ac redundantia desit: quæ si forte adsit, primo leuibus clysterijs tollatur aut siliqua Aegyptia, sirupove rosaceo, aut melle aereo deuoratis. Sed iam ad alterum scopum uacuandi semina morbi stylum uertamus. In quo queri illud in primis solet, sit ne aut sanguine misso, aut purgantibus medicamentis in pestilenti affectu uacuandum. Galenus lib. pri. de diff. feb. cap. quar. certè in pestilenti aeris statu, quæ corpora superfluitatibus redundare animaduertebat purgationibus ea sanare studebat: Quarto tamen de sanit. tuenda manifestè omnino nos docet, ut quod alienum à natura sit, ut amplius ad primam humoris bonitatem redire*

Quæstio  
de sangui  
nis missio  
ne.  
Galenus



dire non possit educamus, & illud primum ten-  
 tandum esse. Paulus quoque lib. sec. cap. 36. *Paulus*  
 in sanguinis redundantia secandam uenam pe-  
 ste correptis iubebat, uti & purgandum, tum  
 ijs, quæ à toto corpore superflua educunt, tum  
 ijs, quæ urinam mouent, & (si pituita in uen-  
 triculo redundauerit) uomitionem excitandam  
 consulit. Aetius etiam per uenæ sectionem ten- *Aetius*  
 tandum esse docet quod putrefactum est eua-  
 cuare, et ob id potissimum ubi sanguis abundet  
 statim uenam secandam dicebat. Hippocrates *Hippoc.*  
 quoque quart. de rat. uict. in acut. in acutissi-  
 mis morbis uenā internam dextri cubiti secā-  
 dam esse ait. Idemque Arabs Auicenna pesti *Auic.*  
 lentis febris curationem docens lib. quar. Fen.  
 pr. tract. quar. ita inquit. Summa curationis  
 earum est exiccatio: & illud cum phlebotom-  
 ia, & solutione uentris. Et oportet (subdit)  
 ut incipiatur in ea ad euacuandum. Si autem  
 materia uincens fuerit sanguis fiat phleboto-  
 mia; et si fuerint humores, alys euacuetur. His  
 autorum præiudicatæ auctoritatis sententijs,  
 uacuandum esse in pestilenti affectu, seu sangui-  
 nis missione, si plethora adsit, seu purgantium  
 medicamentorum auxilio, si cæteri uincant hu-  
 mores, perspectissimum haberi potest. Sunt ta-  
 men hoc in loco dissidia, neque ea quidem me-  
 diocria. tum enim de uenæ sectione ambigitur;

an



an in pestiferis febribus conueniat, tum etiā de purgatione. Qui mittendum nō esse sanguinem putant, hoc potissimum inniti uidetur, quod ubi corruptio tota citra plenitatem, ē contagione, & seminarijs inquinatis dependet, tum profecto materiæ inquinatæ non esse sanguinis missione, aut purgante medicamēto, quod delectu trahat, uacuationem moliendam, & pro comperto (inquiunt) haberi debet, & cum Galeno lib. 6. de sanit. tuen. experientia normæ uice habenda sit (aiunt) in ijs, quæ aegris accidunt; exploratumq; sæpiſſime eſſe in pestilentijs bonam eorum partē quibus detractus fuerit sanguis, aut in graui discrimina lapsos, aut mortē paulo post obijſſe: & quibus missus non fuerit, bona ex parte euasiſſe, atque omnino inutilem in eiusmodi sanguinis missionem fore confirmant. ac proinde neque laborantem adiuuare, neque morbum leuare; sed cōtra grauius agrū offendere, et morbum truculentiorē, citiusq; interimentem reddere uolunt: idque perpulcra, optima, ac probabili ratione ostendunt, quod exagitata sanguinis missione perniciēs extrinsecus in nos demissa, uacuato sanguine, & spiritu, promptius in pulmones, cor, uenasq; permeet, ac deferatur, maioreque impetu inualeſcat patefacta ad internecionem uia. Quorum ratio manifesta quidem uidetur, licet alijs adhuc



adhuc rem ipsam aperte confirment, cum præsertim hoc quoque asserant, quòd sanguis secta uena exagitatus, promptius morbidam excretionem contrahit, quæ docta Galeni sententia

Galenus.

confirmatur lib. quin. de sympt. caus. cap. quin. ob id scilicet, quòd noxium omne quiescens, còsuetudine quadam nobis familiare efficitur. Unde assuesfactum corpus, aut nullam, aut certè minime noxam percipit: motum uerò, & agitaturn, in partesque sanas impetu latum, illas afficit, & pro sui ratione in contrariũ quendam statum immutat, tumque non sanas tantum partes, sed & eas, quibus per quietem familiare factum fuerat, fatigatione, & alteratione sui generis propria, hoc est perniciose euertit. & (ut Aphrodiseus Alexander tradit) mota, sollicitataque flammæ seipsa calidior euadit: aer autem motus, atque diuerberatus, frigidior. Quod cum ita sit (inquiunt ipsi) cum uena exagitetur secta sanguis, profectò tetralue infectus, magis agrum uexabit; perinde atque aqua, uel fel, uel aloë sit admixtum, amara magis fiet si agitetur, quam si consistat; quod experientia docet. Addunt etiam sanguinis missione uires ualde exhauriri, ut minus postea sæuienti morbo resistere queat. Hæ quidem istorum rationes docent à uenæ sectione abstinendum in pestilenti morbo; præsertim

Alex.

si



si morbus iam extra initij fines fuerit, & radi-  
ces iam altas egerit. Sed iam de prædictorum  
perpulcra opinione satis. Nunc ad eorum de-  
clarandam perueniamus rationem, qui omni-  
no uenam secari iubent. Qui igitur mittendum  
sanguinem putant ex sententia etiam Hipp. ac  
Galenus, aliorumque doctissimorum inniti uiden-  
tur, quod cum magnus quidem sit morbus, ex-  
tremis autem morbis, extrema remedia con-  
ueniant, præsertim uerò ex hijs uenæ sectio est;  
quam etiam in magnis morbis Hippocrates  
probat quar. de rat. uict. in acut. tex. 19. Item  
quod in omni febre putrida saluberrimum esse  
uenam secare ait Galenus. 11. meth. 1. et 3. de  
uulg. morb. ca. 26. Paulus quoque, ac Aetius,  
nec non Auenzoar assentiunt, & Rasis, ac alij  
plerique tum ex nostri temporis Doctores pe-  
ritissimi, tum maxime antiquorum tempesta-  
te; nec præterea cōcordari possunt adinuicem,  
adhucque sub iudice lis est. Hæc igitur de præ-  
positis rationibus, & quæstione dictarum par-  
tium quæ quidem ultro, citroq; perpetuo trās-  
ferri uidetur. Pro qua tamen rixa cōcilianda,  
si quod distante ratione, & astipulante expe-  
rientia à nobis, uel ab alijs obseruatum est, ipsi  
proferemus; uolumus tamen in re adeo pericu-  
losa, tam sententiam nostram, quam dubitandi  
rationem protulisse. Urgent profectò utrinq;  
rationes,

Hipp.

Galenus.

Paulus.

Aetius

Auen-

zoar.

Rasis



rationes,urget experientia. Obseruatum est a multis in pestilenti constitutione, quibus secta est uena conualuisse, saepe etiam interuisse. Iulius Borgarutius Frater,uir quidem nostri temporis, & scientia, & usu rei medicae peritissimus,quum anno iam elapso, quo nouissime per totam ferè Angliam pestis grassabatur,Londini medicinam faceret, ausus primus omnium uenam morbi initio in his tundere, felicissimo euentu, & magna cum sui autoritate, inueteratam iam cōtrariam opinionem euertit. Alij tamen tunc temporis alibi locorum, quibus sanguis missus fuerat interuisse omnes obseruunt, uiri alioqui diligentissimi. Relatum nobis quoque est hic Patauij à nobilissimo,ac eruditissimo legis utriusque, Domino Francisco Gerondano Patritio Vrbinate, quod alias multoties audiuerit ab excellentissimo,Domino Hieronymo Seraphino Medico Præstātissimo,quo tempore Urbini,ac fere per totam Italiā pestis grassabatur,nunquā uena secta usum fuisse, & recte tamen ei semper cessisse. Ita ut si tum rationes,tum experientiam spectes,istatuere nequaquam possis utrum agas. Breuibus tamen nos ex omnium prædictorum sententia rem ipsam explicare conabimur. Vt si magna plenitudo subsit,uirium robur,& florēs ætas, sitque adhuc in initio morbus,mitti tum absq; periculo

Iulius  
Borgarutius.

+



periculo sanguis possit, ac in primis illis diebus nulla expectata coctione, quoniam neque omnino euinci, aut concoqui quod putrefactum, ac corruptum est in his febris à natura ualet, euacuare tentandum est. Quod quidem ut tutius fiat uenam internam dextri cubiti secabimus, nam uelocissime, et plurimum ex his, quæ principes sunt partibus, uena hæc corpus uacuat. una itaque cum Hippocrate, & Galeno Hippoc. Galenus. quarto de rat. uict. in acut. com. 24. in acutissimis morbis hanc incidendam cōsulimus; quæ secta, eam, quæ sinistri cubiti interna est, uenā iterum secabimus. neq; enim simul multa sanguinis copia in his febris extrahenda erit, ne uires postea labefactentur; & ob id tutius erit uenæ sectionem repetere, quam simul multam copiam sanguinis euacuare; & præsertim per prædictam sinistri brachij uenam, ut quæ magis è directo sita sit ipsi cordi. Nec aliud aduertendum uenit, nisi sectio uenæ humeralis, quæ quandoquidem secanda erit, tum præcipue, ubi uel pustulæ, uel quid simile post aures apparuerit; uenamque prædictam internam incidimus, ubi morbus sub alis, poplitis, seu malleoli uena ubi in inguinibus bubones appareant; dextra tamen ubi in dextra, & sinistra ubi in sinistra bubones emerferint. Quas uenas ac partes prædictas satis claras in libris nostris



## De Peste.

42

stris Anatomica Contemplationis demonstra-  
uimus, ut quilibet cognoscere poterit. Facta  
igitur in principio (ut diximus) morbi euacua-  
tione sanguinis, statim ad corpus purgandum  
accedemus, eodem modo negotium perscrutan-  
tes, quo, de uenæ institutione docuimus, hoc est  
ut principio hoc morbi faciamus. Cum enim iā  
sparsa contagiosa pestis fuerit, & seminaria  
morbi latè diffusa, nihil quicquam aut uenæ se-  
ctio, aut purgatio, quæ ualidis medicamentis  
fit, prodesse potest; at longe magis nocere his,  
quas antea attulimus rationibus. Id ergo in  
uniuersum obseruandum, ne medicamentis pur-  
gantibus ualidis, uenenatum humorem educe-  
re satagemus, (magis enim tum irritatur, ut  
experientia docet) sed placidis, & mitibus  
agamus: quæ educere modicè noxium humo-  
rem, non exagitare possint: qualia sunt siliqua  
Aegyptia, mel aereum, syrupus rosaceus, ra-  
dix barbara, ex decocto acetosæ, scabiosæ, bu-  
glossi, & florum communium exceptis, adie-  
cto aliquo ex antidotis, quæ infra memo-  
rabimus. Vel etiam postea mane accipiemus  
3. i. pillularum communium ex loto aloë, uel  
ante capiemus, uel post ptissanæ parum, aut la-  
ctis feri, aut decocti acetosæ, & pro ut uires,  
temperamentum, ætas, & reliqua postulaue-  
rint dosim eorum augere, ac minuere poteri-  
mus,



mus, singulisq; septimanis idē repetemus semel  
aut bis, uel ter ad summū alternis uidelicet die  
bus. Sed si nullū daretur cōmodum quo res præ  
dictas minime habere possemus, utile ēt admo  
dū fuerit loco pillularum exhibere 3. ij., uel au  
reos tres, spumæ (ut sic dixerim) illius, quā ui  
nū in dolio cōiunctā relinquit, tasum uulgo ab  
Italis dicta, siue Allume di botte, qua fiat sub  
tilissimus admodum puluis, & cum uino in for  
mam reducatur sirupi, aut electuarij, & quo  
docuimus modo eas drachmas capiat æger,  
tanquam utilissimum remedium, & experien  
tia comprobatum. Percommode enim pur  
gandi uim habet, nec calefacere facultate po  
test, & morbo huic conuenientius fuerit. Quā  
quam bonum etiam sit rhabarbarum, agaricū,  
sena, epythimum, mirabolani, cassia fistula, sac  
carum uiolaceum, tamarindi, rosarum rubea  
rum succus, atq; huiusmodi, è quibus ea, à Me  
dico seligenda erunt, ac inuicem componenda,  
quæ ipsi pro ratione redundantium humorum  
conducibilia esse uidebuntur. Capiemus quo  
que, pro pueris præsertim, mannam cum Gale  
ni oximelite, uel cum hordeacea aqua, aut ptis  
sana, aut aqua rosacea, uel lacte. Postquam ita  
que omnia prædicta fecerimus, tum ad aeris pu  
tredinem expellendam, cum etiam ad humores  
corporis corrigendos; tempus quoque opportu  
num



num iam erit ut spiritus labefactus roboremus, & suffumigijs cum antedictis rebus, & remedijs, quæ subscribemus: nunquam tamen desistentes ab aeris reparatione, at prædictos spiritus augendo, cum humorum continua diuersione. Sed hoc primum inspiciendum erit, memoriaque semper teneamus quod ubi putridus, ac pestilens inspiratus aer, uniuersus ad partes solidas cordis, aut eiusdem spiritus deflexerit, neque uenæ sectione, neque purgatione utendum est, neque ijs, quæ sudores, aut urinas cient, sed cæteris potius medicamentis alternantibus intus, & extra. neque etiam eandem legem obseruabimus in educendis eiusmodi uenenatis humoribus, ac in cæteris, ita ut concoquendi, ac præparandi prius sint, neque natura post coctionem, & secretionem eos excernere tentat, sed cum omnino alieni sint, atque uenenati, eos quam primum expellere conatur; & propterea etiam indiget aliquo confestim manum porrigente. Modo, his relictis, ad cor iterum conuertemur, quod cum uentriculo roborare statim debemus, & si tempus frigidum esset caryophyllis nihil est præstantius, ut si unum, atque alterum, uel cinamomi etiam tantillum ore æger retinuerit, aut quidquam ex rebus iam prædictis. Aere uero existente calido idem coniungas cum rosis, uiolis, santhalis,



uel maceres cum aceto aut simplici, aut rosa-  
 ceo; quæ quidem magnum præstare possunt au-  
 xilium. Tutum etiam quodammodo esset fœni-  
 culum recens continuo ore continere, aut  
 olfacere, uel anisum, uel enulam campanam  
 cum saccaro conditam, uel melle, uel uino sal-  
 tem commixtam, siue acetoso aceto. Bonum po-  
 stea fuerit, ore nucis glandis quantitatem po-  
 nere oppiati illius, quod infra adnotabimus, aut  
 trociscorum, uel rotularum, quæ etiam postea  
 describemus; & in summa amara omnia, quæ  
 putredini resistendi uim habeant, & uermes in-  
 tra corpus necare ualeant, proprium, aptūq;  
 hic locum possident, ut sunt radices, folia, flo-  
 res, semina, ac fructus cardi benedicti, rutæ, sa-  
 licis, hyssopi, camamille, fumusterræ, enulæ cā-  
 panæ, centaureæ, radice gentianæ, rhabarba-  
 rum, myrrha, aloes decoctum, persicorum, ce-  
 rasarum, ac prunorum nuces, amygdalæ ama-  
 ræ, & alia huiusmodi similia, quarum partem  
 conseruabimus. in formam opiati, uel cōseruæ,  
 ac partem aceto communi, uel rosaceo quoq;  
 conseruabimus. atque huius mane quotidie ie-  
 iuno adhuc stomacho cocleare unum, atque al-  
 terum exhibere poterimus. Probant etiam  
 multi, & apud quamplurimos Gallie populos,  
 apud quos diu habitauimus, mirifice obserua-  
 tur, tempore pestilenti accipere omnibus die-  
 bus



bus prope auroram, ieiuno etiam stomacho ficū unum exiccatum cum ueteris nucis media parte, ac rutæ quinque aut sex folijs. quem ficum assari super carbones iubent; quod quidem medicamentum ab eis utilissimum obseruauimus. Ad idem etiam probatur pimpinella tum maior, tum minor, lactuca, & olera id genus similia, quæ in aperto oriantur horto. Ordeum decorticatum, coctumque in lacte uaccæ admodum utile reperitur. Poma aurea, uel (ut uocant) arancea medijs saporis, punica poma, pruna, cerasa confecta, uel sicca, poma, pira, syru-  
pi de succo limonum, de succo punicorum pomorum. Bona etiam, & magnopere commendatur à Galeno terra illa Armena, si uera reperiri posset. Commendatur etiam non minus Theriaca, immo ita efficacior habetur, ut Galenus libro de Theriaca ad Pisonem dixerit nullum utilius inueniri hoc medicamento; idq; confirmat, non solum peste correptos liberare, uerum etiam alios sanos penitus conseruare. Cordis tandem regioni epythema hoc erit imponendum. Rec. aquæ oxalidis, buglossi, nym-  
pheæ, & rosarum rubearum ana. ʒ. iiij. aquæ melissophylli, & florum citrangelorum ana uncias. ij. santholorum omnium, & corallorum rubearum ana. ʒ. iiij. ligni aloes, corticum mali medici, seminis basiliconis, cinamomi ana. ʒ. i.

Galenus.

D 3      ossis



ossis de corde cerui numero.ij. croci.gr.iiij. ui-  
 ni albi odoriferi.3.ij. & β. omnibus simul com-  
 mistis, cum serico, purpureoq; linteo fiant epy-  
 themata, quæ cordi proderunt ualde. Conue-  
 nit insuper eidem cordis regioni hoc medica-  
 mentum imponere. Recipe Theriacæ, 3. iiij. ter-  
 ræ Lemniæ, & santhalorum rub. ana. 3. i. aquæ  
 ros. & aceti parum, fiat ad modum unguenti;  
 & locum inunge. Postea ad sacculos parandos  
 accedemus, qui ualde etiam commendantur, ut  
 Recipe florum nimpheæ, buglossi, rosarum ru.  
 ana. m. β. florum citrangulorum, roris marini,  
 & melissophylli an. 3. ij. santalorum, & coral-  
 lorum rubeorum an. 3. iiij. ligni aloes, corticū  
 citri, seminis basiliconis an. 3. i. foliorum dipta-  
 mi, zedoariæ, ciperi, & baccarum iuniperi an.  
 3. β. croci. gr. iiij. ossis de corde cerui nu. i. mar-  
 garitarum, aut lapidum pretiosorum contrito-  
 rum, seu solius smaragdi. 3. β. aut 3. iiij. am-  
 bræ, & moschi gr. ij. & cum serico, & purpu-  
 reo linteo, omnibus simul commistis, ac contu-  
 sis, sacculi fiant, quos huic regioni ferant ægro-  
 tantes, & sic fauente Deo eos à peste liberabi-  
 mus. Nec aliud quicquam relinquitur cura-  
 tioni nisi oppiati illius descriptionem ostende-  
 re, qui quidem experientia roboratur, proba-  
 turque ab omnibus, Galliæ, Piccardiæ, Burgun-  
 diæ, ac Normandiæ Medicis, apud quos hisce  
 oculis



oculis mirum fructum ex eo oppiato eos collegisse prospexi, maxima cum omnium laude, ac honore. Recipe igitur rosarum, buglossi, & boraginis conseruæ ana. 3. i. optimi boli, uel lapidis, aut terræ ex Armenia, Theriacæ, aut optimi Mitridati ana. 3. ʒ. pulueris diamargariton frigidi, latificantis Galeni, & smaragdi, an. 3. i. omnia simul commisceantur & singulis diebus mane capiat æger per horam ante prandium unius iuglandis nucis quantitatem, et ratione temporis uel calidi, uel frigidi augeat, ac minuat medicus Theriacam, aut Mitridatum. Confert etiam maxime si capias radices gentianæ, enulæ campanæ cum aceto rosaceo, uel simili sex horis contemperatis, deinde eas exices, & capias simul radices tormentillæ an. 3. ʒ. seminis cardi benedicti, seminis acetosæ, seminis citri. an. 3. ii. citri corticum exiccatorum, terræ Armenicæ. an. 3. vi. corallorum rubeorum, spodij arabi ueri, pulueris latificantis Galeni, diamargariton frigidarum, & smaragdi an. 3. ii. quæ omnia simul commiscens, postea partem in trociscorum formam reducito cum grupo de acetositate citri, uel limonis, & partem in formam rotularum cum saccharo rosaceo resoluto cum aqua rosacea, uel cum aqua eius herbæ, quam aromatarij Morsum diabolivocant, & aqua cardi benedicti, aqua scabio



ſæ, ex quibus, urgente frigore, capiat æger ma-  
 ne ad pondus unius aurei ſic ſimpliciter. ſed ſi  
 calor uexauerit, capiat cum aquæ roſacæ ſuffi-  
 cienti quantitate, aut decocti acetosæ, uel redu-  
 cat in pillulæ formam, ut roboret partes om-  
 nes principes, ſpiritus omnes, & putredini etiã  
 reſiſtet. Poteris etiam hunc in modum medi-  
 camentum, quo ipſe utor, parare. Recipe radi-  
 cum galliopsis. ʒ. i. ʒ. croci. ʒ. ij. ſeminis erucæ,  
 radicis angelicæ, pimpinellæ. ʒ. ʒ. fiat puluis uti-  
 liſſimus. adde Theriacæ Andromaci. ʒ. ij. mi-  
 ſceantur in mortario. de quo detur ſcrupulus  
 unus ſub aurora, & non ſolum peſte correptos  
 liberabit, ſed etiam id efficiet, ut nemini no-  
 ceat infectus aer, et ſi aliquem inuadat. qui hoc  
 non ſumpſerit (nam qui ſumpſit liber eſt) reci-  
 piat huius electuarij gr. v. uel. vi. cum. ʒ. ʒ. olei  
 ſcorpionis tepidi, ac aliud non bibat, ac aquam  
 in qua decocta ſint cotonea duo diuiſa in parti-  
 culas decem, uel duodecim, aquæ fontanæ men-  
 ſuras uulgares duas. ad medias coquatur, de  
 quo detur potui quantum deſiderat. Id præca-  
 uebit, & inflammationem colli, & aliorum in-  
 trinſecus poſitorum. præſtaret antea accipere  
 radicem paſtoniæ, ideſt cardi fullonium. ʒ. vi.  
 elotas, & purgatas præparari cum aqua fon-  
 tanæ cum prædicta forma, & ad ſufficientiam  
 utatur prædicto modo. ſi autem temperies na-  
 turalis,



turalis modo disposita erit, propter antiquum genus morbi, uel simile, aut seni addatur uini iuxta considerationem temperamenti, ut notū est. Hæc omnia sic obseruando, nullus peste laborantium morietur. Reliqua ab alijs quam plurimis autorum monumentis petas, eosque consulito; reperies enim non paucos, qui pestis medicamina conscripserūt. Nos uerò quæ magis conducibilia uisa sunt, ratione, & experimento cōprobata hic meminimus, ne scilicet in magnā Tractatus hic excresceret molem. Quæ de causa non nulla breuitati incumbens consulto prætermisi, quæ fusius scribere potuissem. Et ita de uacuandi scopo satis dictum sit. Nūc ad bubonis pestilentis, carbonisq; curationem Bubonis, proximè accedamus. Ergo si bubo apparuerit, carbonis- mox locus, in quo insidet acurate spectandus que cura erit, num in cerebri, cordis, aut hepatis emun- tio. Et orio constiterit, hoc est, sub aures, axillas, inguina: tumque foras euocandi, non intrò- trudendi intentio sit. Euocatur autem foras calidis attrahētibus admotis. Quamobrem ex usu erit cataplasma ex cæpis, & theriaca confectum ad mouisse. Conficitur autem sic. Excauentur cæpæ aliquot, intra quarum cavitatem theriaca indatur, suoque operculo integantur, & prunis simul subditæ donec mollescant resideant, probeque tritæ buboni admoucantur.

Confert



Galenus.

Confert item cataplasma ex cepis, calamento,  
 origano, hyssopo, contritis, et in lixiuio elixis,  
 quibus in tritura addantur ammoniaci guttae,  
 galbani, serapini ana.  $\bar{3}$ .  $\bar{4}$ . terebinthinae, mellis,  
 cerae quantum agglutinandis omnibus uisum  
 fuerit, & buboni ad suppurationem admonea-  
 tur, theriaca semper his, quae admoventur indi-  
 ta: trahendi nanque ad se uenenum, etiam ap-  
 positu, potestatem habet, ut Galenus li. de the-  
 riaca ad Pisonem conceptis uerbis testatur.  
 Prodest quoque plurimum de plumem gallum,  
 podice buboni admoto diu continuisse, ita ut  
 galli ore occluso, podice trahere aerem gallus  
 cogatur, sic enim una, et uenenum ad se trahit,  
 sibi que mortem concitat. Quamobrem plures  
 in id habendi sunt, ut in demortui locum alter  
 confestim supponatur. Ex ficibus item siccis,  
 sale, fermento acri, passulis enucleatis, omni-  
 bus ex oleo liliorum exceptis, emplastrum con-  
 ficitur ei rei ualde idoneum. Si uero eum eli-  
 gere exoptas, qui forte euauerit: recipias gum-  
 mi euforbij.  $\bar{3}$ . i. & subtilissime puluerizetur.  
 iniice aquae fontanae libra una. stet paululum.  
 Inde intingat linteolos recentes, & tepide lo-  
 co bubonis applicato. deinde recipias ficus sex,  
 uel septem, alchebgingis seminis.  $\bar{3}$ . i. uel.  $\bar{3}$ . x.  
 conterendo in mortario fiat massa emplastri,  
 super asserem quercinum tepefiat, applicetur  
 loco



loco bubonis, specificata uirtute extrahet, & digeret. suppurato bubone, candenti ferro aperiendum est, diuque fluere permittendum. tūq; extergentibus, & uires trahentibus utendum, donec uenenosa omnis lues exhausta fuerit.

Agglutinantibus postea, ac sigillantibus commodè utendum. Interea uerò dum hæc perficimus, antidotis supra scriptis perpetuo utendū; hacque methodo curari bubo pestilens poterit.

Carbonis uerò hæc propria est curatio, ut candenti ferro, si fieri id commodè possit, protinus uenenum intus latens extinguatur: quod nullo præsentiore remedio, quam igne fieri potest.

Quod si ignem æger ferre non possit, aut nolit, scarificatu circumcidendus locus est, sanguisque effluere sinendus: moxque in ambitu, ne uenenum latius serpat, bolum armenam, ex aceto, & rosaceo oleo imponere expedit. Carboni uerò ea admouere, quæ urendi uim habeant, & trahendi facultate sint prædita, inter quæ primas, quæ sequuntur partes obtinent. Accipe uitellum oui, salem tritum, fuliginem camini, fermentum acre, caricæ bene pingues, scabiosam, & symphitum simul contrita, & oleo liliorum imbuta, in modum cataplasmatidis imposito. Theriaca ex adipe suillo admota, cum salis momento, & pipere optime facit. Non nulli saphyrum tota sui substantia ualere



lere prædicant, si carbunculo admouedatur. Cibabimus ægrotum maxime uictus ratione perstricta, cum acetosa, borragine, beta, buglosa, cū prunis aqua infusis, & electo aceto, uel saccharo rosaceo. Postea ( si fieri potest ) æger dormiat die integro, ac nocte; id enim experientia comprobatum multoties est, & quo citius hoc fiat, eo melius, ac utilius. sed si dolor, aut aliud, somnum impediat, rebus ijs utemur, quæ somnum conciliandi uim habeant: Et cum prædictis iam rebus carbonem remouebimus. Sed id unū interim animaduertendū erit, ut æger quotidie corpus euacuet, uel cibus, uel natura, uel suppositorijs, aut clysteribus, & ut res postulat ea repetere, donec corpus semper molle inueniatur. Postea copiosè secanda erit uena ex eodem latere, si uires, & reliqua consentiant. quod si semel nō suffecerit, iterum repetamus, iuxta scilicet Medici consilium, ac rationem. Quod si debilitas, uel atas, & cætera sectionē non admiserint, cucurbitulis scarificatis hoc fiet, aut hirudines iuxta morbum applicabimus, dummodo quod nocuum est euacuetur. postea iterum remedia morbo applicabimus, cum scabiosa, uel butyro recenti sine sale, aut sanguine dulci, aut alijs rebus prædictis, toties id repetentes, quoties opus fuerit. Si uerò carbonēs ualde excreuerint, tunc facta prædicta sectione,



tionem, cum rebus omnibus iam dictis, ueneni-  
uim omnino remouendam curabimus. At ubi  
non amplius serpit, sistiturque maligna putre-  
do, tum escharam remouere emollientibus ex-  
pedit, idque sensim: quod præstat iterum bu-  
tyrum accipere ex oui luteo: item si ex altheæ,  
& maluæ folijs, atque radicibus, aqua deco-  
ctis, & cribratis, ex butyro, & suillo adipe pul-  
mentum confeceris, unice ad id prodesse explo-  
raturum est. Amota tandem eschara, detergenti-  
bus utendum, nempe rhodomelite ex succo apij,  
uel unguento ex resina parato, aut unguento,  
quod mistum officinæ uocant. Detergsa sanie,  
epuloticis, sarcoticisque utendum est, unguen-  
to ex aloe, myrrha, olibano, sarcocolla, & argē-  
ti spuma parato. Hæc tandem de carbonis cura-  
tione dicta sufficiant.

De præcautione à Pestilentia, antequam  
quis incidat: & modo præseruationis.

**N** A S C I pestilentes morbos, ex corru-  
pto, atque uitiato malo aliquo inquina-  
mento, aere: hancque primam, atque  
præcipuam contagiosorum morborum, & pe-  
stilentium causam esse, satis iam abunde supe-  
rius dictum est. Causas deinde alias, signa, pro-  
gnostica, curationem, & reliqua iam præposui-  
mus,



mus, ita ut ad perfectum rei tractatum, nihil ulterius demonstrandum uenit; nisi modum, quo homines à pestilentia præseruari possint, in eam antequam incidant: sic enim absoluta admodum uideri poterit de pestilentibus morbis tractatio. Ergo si pestis uis locum quempiam occupauerit, in quo quidem tales homines degunt, qui iustas ob quasdam causas pestilentem aerem fugere ac alias regiones migrare nequeant, quo minus à pestilenti, & putrefacto aere patiantur, unus siquidem ac primus est in omnibus communis scopus; quod uidelicet corpus quam maximè superfluitatibus uacet atque optime spiret. Secundo loco post hoc, ut præpotenti causæ quo ad eius fieri potest aduersetur. Quare paucissimus spiritus corpus ingrediatur, isque ut maximè peregrinus sit prouidendum est, ex Hippocratis lib. de natu. hu. decreto uidere licet, peregrinus inquā, hoc est purus, attenuatus, nullo inquinamento corruptus, odoratus, ac salutaris, prorsusque ab eo, qui morbum infert quam alienissimus, quod peregrini nomine indicauit Hippocrates. Prouidebitur sanè ut talis inspiretur, si à septentrione manantes auras, quæ, (ut superius prædiximus) saluberrimæ esse solent, exceperimus, domusque, in qua commorari debent eligatur admodum purissima, ab omnibus præsertim,

Hippo.



tim, quæ aerem (ut diximus) coinquinare per-  
 facile possint. Idque omni studio præcauētes,  
 ne commercium cum eis habeant, qui peste iam  
 correpti sunt, quoniam (ut Galenus inquit li. *Galenus.*  
 pri. de diff. feb. cap. sec.) periculo nullatenus  
 uacat, eaque omnia penitus obseruent, quæ su-  
 perius in aliorum cura nobis declarata fuere;  
 ac modo iam dicto ignis succendatur; idest  
 lignis odoratis, ut sunt pinus, quercus, cupres-  
 sus, lētiscus, roris marinus, myrtillorum ligna,  
 ac uitium sarmēta, oliuæ, iuniperus, ac similia:  
 quibus postea superimponemus res alias aro-  
 maticas, quemadmodum thus, styrax, lignum  
 aloes, hebenum, ocymum, ladanum, iuncus odo-  
 ratus, casia, & huiusmodi. His denique, atque  
 alijs iam prædictis, facta diligenti in aerem ob-  
 seruatione, peruenire ad alia poterimus; et  
 pomum, seu pilam componere utilissimum erit  
 ex rebus subsequētib; quæ temporibus iam  
 elapsis Londini Angliæ ciuitate ab Excel-  
 lentissimo Artium, ac Medicinæ Doctore, cele-  
 berrimoque Iulio Borganutio Fratre meo di-  
 dicisse non pœnituit. simul enim præterea per Iulius  
 literas ab ipso cognoui in acerrima eius regio- *Borgan-  
 nis nouissima peste se ipsum ac alios multos no-  
 tius.*  
 tiles Patritios à morbo prædicto tali pomo  
 tantum conseruasse, ac multos alios correptos  
 liberaſſe. quibus ego experiētijs commotus,  
 rationi-



rationibus, ac fide, illud proponere in aliorum  
 tutelam hoc in loco decreui. Recipe igitur li-  
 gni aloes, casia, carpobalsami ana scrup. i. spi-  
 ca, calami odorati, amomi ana gr. viij. thuris,  
 caryophyllorum, mirrhæ, nucis muscatæ an. gr.  
 v. croci. gr. iij. stiracis. 3. i. ß. florum nymphaeæ,  
 uiolearū, buglossi, an. 3. ij. ladani. 3. ij. ambrae,  
 & moschi, seu zibeti, ana gr. ij. rosarum rubea-  
 rum. 3. ij. santhalorum & corallorū rubeorū .  
 3. ß. contundantur omnia simul, & cum ace-  
 to, aqua rosacea, et florib. citrangularum fiat  
 pomum, siue pila; & ubi opus fuerit adde gum-  
 mi arabici, seu cremoris tragacanthi, aut resi-  
 nae terebintinae parum. Hocque (ut dictum iam  
 est) præstantissimum est remedium. idque sem-  
 per quantitate minuere, aut augere licebit, pro  
 diuersa non solum hominum natura, sed etiam  
 ætate, consuetudine, regione, anni tempore, ac  
 fortunæ uiribus. Inuenit etiam plurimum nari-  
 bus odorata admonisse, ut rosaceam aquam ex  
 oxyrrhodino exceptam, & uase uitreo inclu-  
 sam; flores item citri, aut myrti aquam odo-  
 rasse conuenientissimum. In summa hæc obser-  
 uanda, ut aer, qui attrahitur ab omni inquina-  
 mento purus sit, & id in primis cauendum ne  
 laborioso motu corpus exagitemus. Quamob-  
 rem in pestilenti aeris statu, nec pugna, nec lu-  
 eta, nec cursu, nec citatiore aliquo motu, multo  
 que



## De Peste. 65

que minus uenere fatigandum corpus; sic enim multum spiritus ingredi corpus necesse est, quod perniciosissimū Hippocrates lib. de nat. hum. iure censuit. Quin ab ira, mœrore, omni-

Hippoc.

que animi perturbatione tum maximopere cauendum. Cōcitant enim hæc corporis succos, & à naturali statu euertunt, ut docta Galeni in

Galenus.

Arte Med. sententia est. Nec tantum ijs procuranda salus homini, sed, & congruo ciborum, potionis, somni, uigiliarum, ueneris, inquam usu. saluberrimis igitur utendum cibus, qui & concocti faciles sint, & probum sanguinem generent: quales sunt cibi omnes facilis concoctionis, ac putrefactioni minus obnoxij.

Semperque eis acetum, aut quempiam alium succum præsertim mali medici, permiscendo. nihilque adeo uitandum erit, ac nimia cibi, & potus repletio, ut alias dictum est. uitanda quoque ut letale, est cruditas, nec minus & fames, sed quantum oportet, & uires exigunt exhibere conuenit. Sit itaque carnis usus moderatus assæ, magis quam elixæ, qualis est inter auitij genera capi pinguiculi, chortales pulli, perdices, phasiani, starnæ, meleagrides, & quæ in dumetis, ac saltibus degunt aues, turdi, ficedulæ, alaudæ, turtures, merulæ, quæque multo uolatu, & tenui, siccoque alimēto utuntur. Ex quadrupe-  
drapedibus lactantes uituli, hædi pinguiculi,

E capreoli,



capreoli, lepores, & castrati probe alti conueniunt. à bubula, atque suilla, et ijs omnibus, quæ uel humidam, uel excrementis refertam carnem habent, omnino cauendum erit. Pisces item saxatiles omnes commendantur, ac mulus, fluuiatilis truta, scorpius, pelagicus mugil, et reliqui, qui saporis suauitate cæteris præstant, minimè lentam, seu uiscosam, & crassam habentes carnem; qui omnes tosti in craticula ex aceto conferunt. Qua recentia, sorbilia, & tremula conueniunt. Ex oleribus æstate lactuca, pimpinella, oxalis, cicorium, sonchus, scario-la, endiuiæ, & huiusmodi ex aceto conueniunt. Hyeme uerò cappares, melissophyllum, ac flores mali medici, ubi leuiter ebullierint, similiter ex aceto. A fructibus omnino abstineant, præterquam si acidi fuerint, nec recentes ut sunt limones, aurea mala, acida mala punica, mala medica, pruna, uua passa, carices, nucæ pinus. hisque omnibus uti conuenit, & uniuersaliter uictus ratio omnis exiccans esse debet, similiter & refrigerans, postquam (ut alias prædiximus) ab immodica aeris intemperie calida, & humida, ac ab eodem putrido existente pestilentia generatur. Sit præterea uinum, quo utimur tenne, pauciferum, odoratum, æstate album, hyeme rubrum. Aestate dilutius, atque copiosius: hyeme parcius, atque meracius



meracius bibatur. Somnus autem, & uigilia, moderata omnia sunt: uitandus tamen erit somnus meridianus, præsertim insuetis. Iuuat hoc tempore fabulis, comedijs, iocosjs sermonibus, locis, leui lectione, liberalibus ludis, ac rebus omnibus, quæ facultate mærorem absolunt animum recreare. similiter & animi affectus omnes immoderati, ut sunt contagiosæ pestis consideratio, periculorum, mortuorum, ac omnium tandem tristitiarum memoria, animo tunc omnino repellendi sunt. In uenere postea summa sit parcitas. Nihil enim magis aut corpus, uiresque eneruat, aut excipiendæ pestis promptiorem facit, intempestiua, aut immoderata uenere: à qua ceu periculo præsentis simo in pestis grassatione cauendum doctissimi quique censent. Frictiones lenes cōueniunt, potissimum aluo exonerata: curare siquidē præstat, ut singulis diebus uel natura excrementa excernantur uel arte, clysteribus uidelicet lenibus, aut glandibus. Exercitio & modico admodum, nec uiolento, sed pedetentim omnino utendum erit. Vbi hæc ad unguem obseruata fuerint, antidotis, & alexipharmacis munendum corpus, ne pestis irripere possit. At inter hæc, simplicia quædam sunt tota sua substantia eneruandæ contagiosæ pestis congruentissima: in quorum albo primas partes bolus Ar-

E 2      menus,



Galenus. *menus, & Lemnia terra (quam uulgus medicorum sigillatam appellant, iure tenere à Galeno lib. de Ther. ad Piso. et lib. non. de simpl. facul. atque medicis omnibus dicuntur, non tã quod siccando profint, quam quod uenenosæ substantiæ intro conceptæ tota eorum substantia aduersentur. Vbi eadem terra, & bolus ad nos propriæ peruenirent. Dictamnium Cretense hæc proxime sequitur, de quo illud produnt. Capras in Creta sagittis percussas ueneno litis, huius herbæ pastu excutere illas facile. Quod & Dioscorides affirmat lib. ter. cap. 31. ac proinde uenenatorum ictibus, omninoque uenenosæ materiæ aduersari creditur, rutam, abrotanum, ac Matthioli ueronicam, pētaphyllon, cinnamomum, agaricum, smyrnium, uiticis semen, aristolochiam; lauri baccas plerique ualde commendant. Perinde atque Zedoariam radicem, quam uel ore retentam, uenenatos balitus pellere scribunt. Citri semen ex Auicenna canon. sec. cap. 120. Excellentissimus Artium, ac Medicinæ Doct̃or Franciscus Guidanus Iliciensis Parisiis mihi ualde commendauit; ut quod uenenis omnibus aduersari pro cōperto haberi uelit. Quin & citri odorem, aeris corruptelam, & pestilentiam omnem repellere idem ex eodem, confirmat: quod & longo usu, atque experientia in multos ab ipso Lutetiæ compro-*

Franci-  
scus Gui-  
danus.



comprobatum est. Hæc ex immensa simplicium  
silua pestilentia propulsanda aptissima, colle-  
gisse sat fuerit: ex quibus pulueres, confectio-  
nesque parari rite possunt. Sumantur autem  
uentre uacuo, ex rosarum, intybi, aut buglosi  
aqua, uti hyeme ex uino odorato: Sumenda  
autem ad drachmæ unius, duarumve pondus.  
Modo ad antidotos describendas properabi-  
mus, in quorum albo primas partes Androma-  
chi Theriaca, uel Galeni testimonio, Mithrida-  
tiaque antidotus tenent. Quæ etiam à Galeno  
Centenaria appellatur, mirificè prodest. Para-  
tur etiam medicamentum quoddam compro-  
batissimum ex rutæ folijs, caricis pinguibus, et  
alijs, quæ modo adnotabimus. Recipe rutæ fo-  
lia uiginti, nuces iuglâdes duas, salis grunum  
unum, caricas duas; tritis omnibus simul suma-  
tur instar off.æ, seu boli: aut si quis integra hæc,  
nec contrita deuorare uelit, præstiterit id fecis-  
se. Sunt pillulæ illæ, quas seplasiarj communes  
uocare in usu habent, cui quidem medicamen-  
to multum profectò tribuendum est: siquidem  
ualentissima sunt ad id muneris ea, ex quibus  
conficitur. Sequitur postea myrrha, quam ego  
antidotum cæteris cunctis in præseruandis à  
pestilenti lue corporibus præferri debere indi-  
co, quam subsequitur Guidonis antidotus, quæ Guido.  
recentes theriacalem Guidonis appellât. Cata  
potia



potia hæc etiam à multis admodum commen-  
dantur; ut, Recipe pulueris hieræ simplicis Ga-  
leni. 3. i. rhabarbari cum spica, tantundem,  
aut. scrup. iij. cum aqua melissophylli, aut bu-  
glossi. fiant catapotia, & præbeantur. quibus  
per horam, uel alteram mellis aerei, aut syru-  
pi è pluribus infusionibus rosarum rubearum.  
3. ij. aut. ij. β. cum eisdem aquis exhibeas. Quod  
si pituitosi magis redundauerint humores, pro  
rhabarbaro, agarico utare: si melancholici,  
sena, & epithimo. Saccharum quoque rosa-  
ceum, & buglossatum, non parum etiam con-  
fert. præsertim si cum eorum aliquo drachmā  
unam huius pulueris mane per tres horas an-  
te cibum exhibueris, aut cum exiguo uino al-  
bo odorato, & aqua rosacea. Recipe cornu cer-  
ui usti, seminis citri, ana. 3. ij. foliorum diptami  
cretensis, baccarum iuniperi, radiceis tormen-  
tillæ, zedoariæ ana. 3. i. seminis rosarum, oxali-  
dis seminis, corallorum rubeorum, ana. scrup. ij.  
croci gr. iij. fiat puluis, ac modo prædicto ute-  
re. His antidotis, si quis rectè utetur, à pestilē-  
ti labe seruari immunis poterit: præsertim si  
Galenii consilium fuerit sequutus. Is enim in  
pestilenti aeris statu corpora pleniora, & ple-  
thora referta, inanire sanguine misso curabat,  
uti impura, & cacochyma, dato medicamento  
purgare: quæ sicco erant habitu, in eo ipso ser-  
uare.



## De Peste. 71

uare studebat: quæ obstructionibus obnoxia  
erant, ab infarctu liberare de obstruentibus sa-  
tagebat: quæ humidiora esset, omni studio exic-  
care nitebatur; sicque à contagiosa pestis la-  
be illæsa seruabat. Hanc methodum si qui si-  
bi cauere uolunt, sequentur, pestilentis ueneni  
noxam non sentient. Quamobrem hic finē iam  
faciamus, si id unum prius testatus fuero, maxi-  
ma me admiratione teneri, priscos autores ita  
sui oblitos, ut de pestilenti contagione uix uer-  
ba fecisse uideri possint. Non Hippocrates, nō  
Galenus, Paulus, Aetius, Alexander, nō deni-  
que, qui illis succedere Arabes, quicquā nisi te-  
nue, et exiguum de ea re tractare aggressi sunt.

Tractatus de Peste,  
Finis.



